

Endringar i reglementet for kommunestyret m.fl. som følgje av vedtak i kommunestyret 22.02.2018 og 06.05.2021

1. Gjennomgang av reglementstekst og vedtak

Tekst i punkt 2.22 i reglementet, vedteke av kommunestyret 25.09.2013:

2.22 Tidspunkt for kommunestyret sine møte

Ordføraren set opp ordinær møteplan for kommunestyret. Kommunestyret sine møte skal normalt finna stad på onsdagar, med start kl. 14.00 og til vanleg vera avslutta kl. 20.00, inkludert spørsmål og interpellasjonar. Kommunestyret kan i særskilde høve, og etter vedtak, halda fram møtet ut over kl. 20.00. Juni-møtet og desember-møtet vert haldne som heildagsmøte kl. 08.00 – 16.00.

Vedtak i kommunestyret 22.02.2018:

KS- 002/2018 Vedtak:

Framlegget til møteplan for 2018 vert vedteke. Det enkelte organ (formannskapet, utval, råd) får fullmakt til å gjera justeringar i møteplanen sin i løpet av 2018 dersom det er behov for dette.

Frå og med 2018 skal det i kommunestyret sitt desembermøte leggjast fram sak om møteplan for kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne. Kommunestyret skal der vedta møteplanen for desse organa for det komande året. Det enkelte organet skal ha fullmakt til å gjera justeringar i møteplanen sin i løpet av året dersom det er behov for dette. Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Som følgje av vedtaket vert punkt 21 i Samnanger kommune sitt reglement for kommunestyret m.fl. endra, ved at første setning i punktet vert teken vekk og erstatta med innhaldet i teksten i avsnittet ovanfor.

(Merknad 16.05.2021: Det er i vedtaket i sak 002/2018 vist til «punkt 21» i kommunen sitt reglement. Korrekt punkt skal vera 2.22.)

Vedtak i kommunestyret 06.05.2021:

KS- 2 Vedtak:

- Ordinære møte i kommunestyret skal vera i samsvar med vedteken møteplan.
- Møteplanen skal omfatta eit kalenderår og godkjennast i siste kommunestyremøtet føregåande år.
- Ordføraren kallar inn til møte i samsvar med vedteken møteplan. Kommunestyret sine møte skal normalt finna stad på torsdagar, med start kl. 15.00 og vera avslutta innan kl. 20.00.
- Minimum to møter per år skal arrangerast på dagtid (budsjettmøtet og siste møtet før sommaren). Desse møta skal gjennomførast mellom kl. 08.00 og 16.00.
- Kommunestyret kan i særskilde høve, og etter forslag frå møteleiaren, halda fram møtet ut over kl. 20.00 (16.00). Kommunestyret må då røyste over dette.
- Ordføraren har høve til å kalla inn til møte på dagtid, når han/ho finn dette mest praktisk.

2. Ordlyd i punkt 2.22 etter kommunestyret sitt vedtak 06.05.2021

Møteplan og møtetidspunkt for kommunestyret:

- Ordinære møte i kommunestyret skal vera i samsvar med vedteken møteplan.
- Møteplanen skal omfatta eit kalenderår og godkjennast i siste kommunestyremøtet føregåande år.
- Ordføraren kallar inn til møte i samsvar med vedteken møteplan. Kommunestyret sine møte skal normalt finna stad på torsdagar, med start kl. 15.00 og vera avslutta innan kl. 20.00.
- Minimum to møte per år skal arrangerast på dagtid (budsjettmøtet og siste møtet før sommaren). Desse møta skal gjennomførast mellom kl. 08.00 og 16.00.
- Kommunestyret kan i særskilde høve, og etter forslag frå møteleiaren, halda fram møtet ut over kl. 20.00 (16.00). Kommunestyret må då røyste over dette
- Ordføraren har høve til å kalla inn til møte på dagtid, når han/ho finn dette mest praktisk.

Generelle reglar for fastsetjing av møteplan:

Frå og med 2018 skal det i kommunestyret sitt desembermøte leggjast fram sak om møteplan for kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne. Kommunestyret skal der vedta møteplanen for desse organa for det komande året. Det enkelte organet skal ha fullmakt til å gjera justeringar i møteplanen sin i løpet av året dersom det er behov for dette. Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.